



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 166. Philippus paternæ cædis vindex.

[urn:nbn:de:hbz:466:1-66272](#)

molli brachio repellebant, excepto solo Sæcul. XV.
 Nobili de Nouailles Buchiensis Dynastæ A.C. 1419.
 fratre, qui cum strenue sese parricidarum
 gladiis objiceret, vulnere affectus, tertio
 expost die animam efflavit. Multi Del-
 phinum hujus cædis consciū fuisse af-
 firmabant; Juvenalis tamen Ursinus in
 Historia Caroli VI. omnibus viribus eum
 ab hoc crimine absolvere nititur: Alii
 econtra horrendum hoc facinus, vel jussu,
 vel consilio cuiusdam Principis, proxi-
 mi Gallicæ coronæ hæredis patratum
 fuisse, asseveranter testantur. Utut res
 se habeat, hoc flagitium honori, ac famæ
 Delphini teterimam notam inussit.

§. CLXVI.

Philippus paternæ cædis vindex.

Philippus unicus defuncti Ducis hæres
 Patris sui cædem ulcisci parabat, nec ^{Juven. Urs.} l.c.
 consilio suo vires deficiebant, cum omnes
 Burgundicæ Domus Amici, cunctique
 Gallis male affecti validum offerrent auxi-
 lium. Quinimo facinoris atrocitas e-
 tiam magis imbelles animabat, & Pari-
 sienses antiqua sua renovabant studia;
 Philippus quoque populi amorem sibi con-
 ciliaturus, Anglos ad ineundas inducias
 induxit, exclusis Delphini Deputatis, li-
 cet eadem ex caussa Rothomagum venis-
 sent. Eo ex temporis articulo Galli,

E e 4

Angli,

Sacul. XV. Angli, & Burgundi perinde, acsi unius
A.C. 1420. Patris filii, eademque gens essent, mu-
tuam coluere amicitiam, atque anno se-
quenti Henricus V. Anglorum Rex Ca-
tharinam de Francia matrimonio sibi co-
pulavit.

§. CLXVII.

*Emanuelis Imperatoris Filii Catholi-
corum Principum Filiabus de-
sponsati.*

In Oriente Emanuel Constantinopoli ad-
huc sceptrum rotabat. Princeps erat
apprime doctus, præcipue tamen schis-
maticorum erroribus, eorumque parti-
bus usque adeo addictus, ut ad tuendas
illorum opiniones ipsus calamum suum
exercuerit. Verum successu temporis
fervor decrevisse videbatur, sive ex eo,
quod veritatem agnoverit, sive quod eam
agnovisse, in sui commodum simulave-
rit. Hic, dum Isthmum Corinthiacum
clauserat, ut Turcas Peloponesi aditu ar-
ceret, Latinorum fidei unacum Euthymio
Patriarcha, Theologo præstantissimo i-
terum accedere decreverat; cum ergo
comperisset, demortui Patriarchæ suc-
cessorem, Josephum Metropolitam Ephe-
sinum paria fovere desideria, petiit a Mar-
tino V. nuper in Constantiensi Synodo
electo, ut senos, quos habebat, Filios,

Joan-